

一殮不受於人後舉孝廉有道方正茂才三公並辟皆不應初平中天下亂乃更名嚴避地吳郡東適會稽移居揚州每當危亡之急其志彌固賓客從者見皆肅然遂浮海客交趾往來南海越人化其節閭里不爭訟爲閭人所誣遂死於合浦獄聞者莫不哀之

隋柳述字業隆河東解州人性明敏有幹畧頗涉文藝隋文帝時尚蘭陵公主攝兵部尚書上寢疾述與楊素元巖等侍疾時太子廣無

禮於陳貴人上知而大怒令述召故太子勇
素聞之與廣協謀遂弑高祖已而殺勇煬帝
卽位述坐除名與公主離絕徙龍川郡公主
請與同徙帝不聽主憂憤卒述在龍川數年
復徙寧越遇瘴癘死時年三十九

隋書

唐徐齊聃唐高宗時爲西臺舍人上疏言太子
當近文學端良之士豈可使戎狄入侍乃追
求齊聃本充容之弟恃椒房親太宗時爲王
府叅軍有罪流之欽州

張說字道濟益陽人後徙洛陽武后時擢鳳閣

舍人張易之誣陷御史大夫魏元忠稱其謀

反引說爲助說至后前揚言元忠實不反此

乃誣構耳忤后旨配流欽州中宗立召還拜

兵部員外郎元宗時累遷中書封燕國公謚

文貞

說初赴欽州詩云獄中生白髮嶺外罷紅顏古來相送處能得幾人還又萬里

投荒裔來時不見親一朝成白首看取報家人子均襲燕公祿山監

國授僞官肅宗以說勲舊免罪流合浦

宋之問字延清汾州人武后時內供奉以媚附

張易之貶瀧州景龍中起諂事太平公主及
安樂公主權盛復往諧諂之故太平深疾之
中宗將擢用太平發其知貢舉時昧餉狼籍
下遷越州長史頗自力爲政窮歷剡溪山置
酒賦詩流布京師人人傳諷睿宗立以獐獐
盈惡詔流欽州後與冉祖雍並賜死桂州
何遊泰新州人代宗時讀書於家講求大義覺
其兄遊魯有異志卽棄產貲携妻子客寓合
浦爲採珠徒長

見策府元龜

魏佑者魏州曲城人唐宰相鄭公文貞諱微之
元孫也開寶中家貧就仕嘗爲雷州叅軍遷
廉州長史周遊交廣杜甫有詩贈之

宋蘇軾字子瞻眉山哲宗時除翰林學士居
一年以龍圖閣學士知杭州紹聖初坐草責
呂惠卿制直言其罪章惇誣以謗訕貶知英
州未幾再貶寧遠軍節度使安置惠州三年
復以瓊州別駕安置昌化軍元符三年五月
詔量移廉州安置六月二十四日渡海由雷

之興廉村道白石場書壁間有清水南白石
北此地嵯峨人不識之識至廉館於城中舊
倅廳之右士人鄧擬者從之遊嘗爲之書長
春亭額在廉有龍眼詩和愈上人詩又有題
少游學書乃云庚辰八月二十四日書於合
浦清樂軒及記蘇佛兒語時梅聖俞之客歐
陽晦夫寓廉贈以詩未幾遂移靜州節度副
使永州居住有畱別廉州守張左藏及鏐笙
詩遂以月終由博白北行云

與鄭靖老書云
到廉廉守云公

已行矣。輒留此過中秋。或至月末乃行。至北
 流作木棧下水。歷客藤至梧。與過約般家至
 相會。却雇舟泝賀江而。軾南貶時以少子過
 上水陸數節方至。永云。軾南貶時以少子過
 自隨。瘴癘所侵。蠶蛋所侮。胸中泊然無所芥
 蒂。接人無賢愚。皆得其懽心。未至復朝奉郎
 提舉玉局觀明年卒。於常州年六十有六子
 過字叔黨。年十九以詩賦解二浙路。軾爲兵
 部尚書任右承務郎。軾帥定武。謫英貶惠。遷
 詹耳。漸徙廉永。獨過侍之。凡生理晝夜寒暑
 所須者。一身百爲。不知其難。初至海上爲文

曰志隱軾覽之曰吾可以安於島彝矣其詩
詞賦諸作早行於世時稱小坡

陳瓘字瑩中南劍州沙縣人進士初授越州判
官爲守蔡卞所知瓘知其心術常不欲近章
惇入相瓘從衆道謁惇引與同載首言欲斥
司馬光奸邪瓘言當察其心若指爲奸邪又
復改作則誤國益甚矣用爲太學博士徽宗
時任左司諫極論蔡京奸邪被貶再起復論
會右專權遂貶袁州崇寧二年移廉州瓘在

宣化坊讀書扁其齋曰了齋著壁記遵堯集
一夕有大星殞於齋光焰如晝翌日詔書召
還卜居江州又居南康纔至又移楚宣和六
年卒年六十五高宗時賜諡忠肅

曾布在建中靖國中獨當國漸進紹述之說與
蔡京異京奏布以宰相私其親陳佑甫子布
壻也罷知潤州京積憾未已布落職提舉太
清宮又降司農卿又以舉官失當及棄湟州
連謫廉州司戶凡四年乃徙舒州

見宋史

牛冕徐州彭城人宋咸平初戍卒乘符昭壽之
虐嘯集爲亂冕委城奔漢州削職流儋州後
遇赦移欽州 見宋史

程千秋建炎初守公安盜不敢犯後爲京西制
置使盜桑仲攻襄陽千秋以倉卒不能支遁

去紹興初謫欽州 見一統志

魏安行大觀中爲京西轉運副使梓行程瑀論
語解秦檜疑其議已因毀之編管安行於欽

州